

U skladu sa članom 17. Zakona o igrama na sreću ("Službene novine Federacije BiH", broj 48/15, 60/15), članom 7. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", broj: 30/16, 63/19, 82/20, 12/22, 67/23), te na osnovu člana 14. Statuta društva „MERCATOR BH" d.o.o. Sarajevo, Uprava Društva donosi:

## PRAVILA NAGRADNE IGRE „Mercator i Moji brendovi te nagrađuju!“

### 1. PRIREĐIVAČ

Priređivač nagradne igre je MERCATOR BH d.o.o. Sarajevo, sa sjedištem u Blažuj bb, 71210 Ilidža, poreski broj: 200841110009, identifikacioni broj: 4200841110009, registarski broj: 65-01-0542-10 (stari broj I-24260).

### 2. TRAJANJE I SVRHA PRIREĐIVANJA NAGRADNE IGRE

- Nagradna igra traje u periodu od 06.11. do 31.12.2023.g.. a priređuje se u prodavnicama priređivača kompanije MERCATOR BH d.o.o i suorganizatora kompanije KONZUM d.o.o Sarajevo u svrhu nagrađivanja kupaca za lojalnost te promocije domaćih i regionalnih brendova odnosno proizvoda u sklopu kampanje „MOJI BRENDovi – NAŠE VRIJEDNOSTI“.
- Priređivač će nakon odobrenja Federalnog ministarstva finansija, a prije početka nagradne igre, objaviti pravila nagradne igre u jednim dnevnim novinama dostupnim na teritoriji Federacije Bosne i Hercegovine, uz obavezno navođenje broja i datuma odobrenja.
- Za vrijeme trajanja nagradne igre, pravila su dostupna na [www.mercator.ba](http://www.mercator.ba) i [www.konzum.co.ba](http://www.konzum.co.ba).

### 3. NAZIV NAGRADNE IGRE

Naziv nagradne igre je „Mercator i Moji brendovi te nagrađuju!“.

### 4. NAČIN IZVLAČENJA DOBITNIKA NAGRADA

- Izvlačenje dobitnika nagrada će se održati u 05.01.2024.g. u MERCATOR centru Ložionička, Sarajevo, u 12:00 sati. Svi zainteresovani kupci imaju pravo prisustvovati izvlačenju dobitnika glavne nagrada.
- Za svaku nagradu izvlači se i po jedan zamjenski dobitnik, koji se smatra dobitnikom u slučaju da prvobitno izvučeni dobitnik ne ispunjava uslove za dodjelu nagrade ili u slučaju da prvobitnog dobitnika nije moguće obavijestiti o osvajanju nagrade u roku od 8 od dana izvlačenja dobitnika nagrada.
- U roku do 8 radnih dana od dana izvlačenja dobitnika nagrada, ovlaštena osoba Priređivača će pregledati ispravnost broja računa. Izvlačenje će biti automatsko, putem kompjuterskog programa posebno dizajniranog za tu svrhu.
- Nagradno izvlačenje će biti nadgledano od strane tročlane komisije, koja će o tome sačiniti odgovarajući zapisnik.

### 5. FOND NAGRADA

Nagradni fond ima 16 nagrada, čija ukupna vrijednost iznosi 80.000,00 KM sa uračunatim PDV-om.

### 6. POJEDINAČNA TRŽIŠNA VRIJEDNOST NAGRADA

Pojedinačna tržišna vrijednost nagrada iznosi:

NAGRADA		Pojedinačna vrijednost nagrade sa PDV (KM)	Količina (kom)	UKUPNA VRIJEDNOST sa PDV (KM)
1.	POKLON KUPOVINA U MERCATORU ILI KONZUMU	10.000,00	4	40.000,00
2.	POKLON KUPOVINA U MERCATORU ILI KONZUMU	5.000,00	4	20.000,00
3.	POKLON KUPOVINA U MERCATORU ILI KONZUMU	3.000,00	4	12.000,00
4.	POKLON KUPOVINA U MERCATORU ILI KONZUMU	2.000,00	4	8.000,00
Ukupno:			16	80.000,00

## 7. USLOVI UČESTVOVANJA U NAGRADNOJ IGRI

- 1) Pravo učešća u nagradnoj igri imaju kupci sa prijavljenim prebivalištem u BiH, koji izvrše kupovinu u poslovnim jedinicama Priređivača ili suorganizatora KONZUM d.o.o. na području Federacije Bosne i Hercegovine i koji su prilikom te kupovine kupili najmanje jedan artikal koji je na polici i u katalogu obilježen oznakom „Moji brendovi“, te na odnosnom računu imaju dokaz o kupovini tako označenog artikla.
- 2) Učestvovanje u nagradnoj igri vrši se slanjem SMS-a, koji sadrži sigurnosni kod sa dna fiskalnog računa i svoje lične podatke (ime i prezime, grad stanovanja), **na broj 091 210 002** (odobren od Regulatorne agencije za komunikacije za SMS usluge sa dodanom vrijednošću). Period kupovine odnosno datum koji je naveden na računu i period slanja SMS poruke trebaju biti podudarni sa datumom realizacije nagradne igre, u suprotnom SMS poruke neće biti obuhvaćene izvlačenjem nagrada. To znači da se SMS poruke mogu slati **od 06.11.2023. od 07:01h do 31.12.2023. do 23:59h**. Neće se uzeti u obzir vrijeme kad je poruka poslata, već vrijeme kada je primljena.
- 3) Jedan SMS može da sadrži samo jedan numerički kod (sigurnosni kod sa dna fiskalnog računa), odnosno ti kodovi se mogu samo jednom poslati putem SMS-a. SMS poruku mogu da šalju korisnici usluga M:tel, BH Telecom, Eronet.
- 4) Učesnici mogu u nagradnoj igri učestovati neograničen broj puta, sa svakim poslanim novim ispravnim jedinstvenim numeričkim kodovima u toku trajanja nagradne igre, pod uslovom da su svi kodovi poslani u skladu sa ovim Pravilima, s tim da svaki učesnik može dobiti samo jednu nagradu.
- 5) Učesnici su dužni sačuvati račune za odnosne kupovine, te ih predložiti Priređivaču ukoliko njihov SMS bude izvučen u nagradnom izvlačenju a kako bi se potvrdilo da je kupovina obavljena u KONZUM ili MERCATOR prodavnici, da su ispunjeni uslovi za učestvovanje i da je kupovina obavljena tokom trajanja nagradne igre.
- 6) Učestvovanjem u nagradnoj igri učesnici će omogućiti Priređivaču prikupljanje, obradu i evidenciju ličnih podataka koji se prenose u skladu sa Zakonom o zaštiti ličnih podataka.
- 7) Prikupljeni lični podaci koriste se za evidenciju Priređivača. Priređivač može koristiti lične podatke samo u svrhe za koje su prikupljeni.
- 8) U nagradnoj igri ne mogu učestvovati radnici Priređivača i suorganizatora, njihov bračni odnosno vanbračni partner, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, oćuh, maćeha, usvojilac, dedo i nana/baka (po ocu i majci), braća i sestre.
- 9) Učestvovanjem u nagradnoj igri učesnici prihvataju ova Pravila.

## 8. NAČIN OBJAVLJIVANJA DOBITNIKA NAGRADA

- 1) Rezultati nagradne igre i imena dobitnika nagrada biće objavljeni na web stranici [www.mercator.ba](http://www.mercator.ba) i [www.konzum.co.ba](http://www.konzum.co.ba), u roku do 8 dana od nagradnog izvlačenja.
- 2) Učestvovanjem u ovoj nagradnoj igri učesnici su saglasni da se, ako postanu dobitnici neke od nagrada, njihovo ime, adresa i slika mogu od strane Priređivača mogu objaviti i koristiti bez naknade u štampanom, slikovnom, audio i video materijalu.
- 3) Sva dokumentacija koja se odnosi na organizaciju i provođenje nagradne igre, kao i ova Pravila, čuvaju se u prostorijama Priređivača dvije godine od dana početka nagradne igre. Nakon isteka navedenog roka, Priređivač može uništiti dokumentaciju u skladu s internim aktima.

## 9. MJESTO I ROK ZA PODIZANJE NAGRADA

- 1) Nagrade se preuzimaju uz predočenje lične karte.
- 2) Dobitnici su dužni preuzeti osvojene nagrade najkasnije u roku od 30 dana od dana prijema obavijesti osvojenoj nagradi. Ako dobitnik u navedenom roku ne preuzme osvojenu nagradu, gubi pravo na nagradu, a priređivač je dužan postupiti na način propisan članom 11. Pravilnika o sadržaju pravila, uslovima i načinu priređivanja nagradnih igara.
- 3) Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.
- 4) Prilikom preuzimanja nagrade dobitnik je obavezan potpisati izjavu o preuzimanju nagrade. Potpisivanjem izjave ili istekom roka za preuzimanje nagrade, prestaju sve obaveze i odgovornosti Priređivača prema dobitniku.
- 5) Ukoliko bude dodatnih specifičnih pojedinosti u vezi sa dodjelom nagrade, odnosno pitanje može biti naknadno dogovoreno između dobitnika i Priređivača.
- 6) Priređivač preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada. Priređivač ne preuzima nikakvu odgovornost za bilo kakvu štetu koja bi nastala kao posljedica nakon preuzimanja ili korištenja nagrade.
- 7) Nagrade se ne mogu zamijeniti ili isplatiti u gotovini. Dobitnik nema pravo zahtijevati drugačiju nagradu ili nagradu koja prelazi iznos naveden u ovim Pravilima.
- 8) Porez na dohodak obraćunat će se po osnovu zakona o porezu na dohodak. Prilikom preuzimanja nagrada, u slučaju da vrijednost nagrade podliježe obavezi plaćanja poreza, Dobitnik je dužan dostaviti Priređivaču potvrdu o plaćenom porezu što je preduslov za dobivanje nagrada.

#### **10. NADLEŽNOST SUDA**

Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika. Svi eventualni sporovi između Priređivača i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.

#### **11. SASTAV KOMISIJE ZA IZVLAČENJA NAGRADA**

Tročlana komisija za izvlačenje nagrada biće imenovana od strane Priređivača.

#### **12. CIJENA SLANJA SMS PORUKE**

Cijena jedne SMS poruke iznosi 0,20 KM + PDV. SMS poruke se ne mogu slati sa fiksnih telefona. Sve dodatne informacije učesnici mogu potražiti putem korisničke podrške 063 018 522 (Viber).

#### **13. USLOVI POD KOJIM SE NAGRADNA IGRA MOŽE PREKINUTI**

Nagradna igra se može prekinuti u slučaju više sile ili u slučaju koji ne zavisi od volje Priređivača, uz prethodnu saglasnost Federalnog ministarstva finansija, a prekid nagradne igre se objavljuje u istim dnevnim novinama u kojima je nagradna igra objavljena.